



**EMBARGO:** Tidak boleh dicetak atau disiarkan di mana-mana platform media sosial sebelum jam 8 malam, Rabu 11 Oktober 2023.

Untuk Terbitan Media

11 Oktober 2023

## SIARAN MEDIA

### **AMBIL PEKERJA TANPA PENINDASAN PEMANGKIN PRESTASI SYARIKAT**

### **ALERT: SUMBANGAN 24 PENERIMA ANUGERAH MYFUTUREJOBS DIIKTIRAF**

**KUALA LUMPUR:** Dasar pengambilan pekerja yang bebas daripada elemen penindasan, dengan meraikan kepelbagaian dalam kalangan masyarakat dikenal pasti antara pemangkin prestasi syarikat.

Menteri Sumber Manusia, V Sivakumar, berkata hala tuju syarikat yang menerapkan dasar sedemikian terbukti lebih inovatif, utuh dan berupaya merintis perubahan selari peredaran masa.

Selain itu, katanya, daya kreativiti daripada golongan pekerja yang mewakili pelbagai latar belakang didapati amat menyerlah, sekali gus menjadi sandaran utama ke arah penyelesaian rangkaian cabaran.

“Dengan menyokong dasar kepelbagaian pekerja, kita bukan sekadar meraikan identiti Malaysia, tetapi juga memperkuatkannya syarikat dan ekonomi negara,” katanya ketika menyampaikan ucapan sempena Makan Malam Gala International Public Employment Forum 2023 (IPEF 2023), di Pusat Konvensyen Kuala Lumpur (KLCC), di sini, malam tadi.

Turut berlangsung adalah penyampaian anugerah MYFutureJobs yang julung kali diadakan bagi menghargai sumbangan majikan, penyedia latihan dan pusat rehabilitasi kepada Pertubuhan Keselamatan Sosial (PERKESO). Sebanyak lapan kategori anugerah dan 24 pemenang yang menerima penghargaan ini.

Anugerah Emas MYFutureJobs bagi kategori Besar dan perusahaan kecil sederhana (PKS) diberikan kepada organisasi yang menunjukkan komitmen utuh terhadap pembangunan dan kesejahteraan pekerja dalam aspek keselamatan sosial.

Anugerah Emas MyFutureJobs bagi kategori Kerjaya Madani diberikan kepada organisasi yang menunjukkan amalan teladan dan kemajuan kerjaya luar biasa mengikut prinsip-prinsip MADANI. Pengiktirafan ini juga bukti komitmen majikan membantu golongan rentan seperti bekas banduan, Orang Asli dan pencari kerja berusia 40 ke atas.

Anugerah Kelestarian adalah untuk mengiktiraf organisasi yang menyumbang ke arah ekosistem mampan, penggunaan dan pengeluaran yang bertanggungjawab, menggalakkan kepelbagai, ekuiti dan keterangkuman serta penambahbaikan masyarakat.

Anugerah Penjagaan Rehabilitasi disampaikan kepada hospital dan pusat rehabilitasi yang memberikan perkhidmatan cemerlang, termasuk rangkaian terapi, kualiti kemudahan serta tahap kepuasan keseluruhan hospital serta pusat Rehabilitasi di bawah panel PERKESO.

Selain itu, Anugerah Pemerkasaan Bakat diperuntukkan kepada penyedia latihan awam dan swasta yang memberikan latihan berkualiti, berkesan serta relevan dalam pelaksanaan latihan, penawaran kursus-kursus peningkatan kemahiran dan latihan semula.

Tamat

###

#### **Mengenai PERKESO**

PERKESO, agensi Kerajaan yang menyediakan perlindungan sosial kepada pekerja swasta, Badan Berkanun/Kerajaan, bekerja sendiri dan suri rumah serta tanggungannya daripada keadaan luar jangka. Iaitu, kemalangan, hilang upaya, penyakit, kematian dan kehilangan pekerjaan. Perlindungan ini berkonsepkan insurans sosial dengan prinsip 'Prihatin' dan '*leaves no one behind*'. PERKESO beroperasi di 54 Pejabat, 5 Pusat Rehabilitasi dan 293 MyFutureJob One Stop Center di Malaysia. Layari [www.perkeso.gov.my](http://www.perkeso.gov.my) atau hubungi Pusat Khidmat Pelanggan 1300 22 8000.

**Dikeluarkan oleh:**  
**Bahagian Komunikasi dan Hal Ehwal Korporat**

**11 OKTOBER 2023**

**Untuk pertanyaan media, sila hubungi:**  
**Mohd Wazid Zaidon**  
**+6017-619 3181**  
**wazid.zaidon@perkeso.gov.my**